



Neviim (prophètes) - Isaïe

Chapter 3

- 3,1 כי הנה האדון יהוה צבאות, מסיר מירושלם ומיהודה, משען, ומשענה: כל, משען-לחם, וכל, משען-מים.
- 3,2 גבור, ואיש מלחמה; שופט ונביא, וקסם וזקן.
- 3,3 שר-חמשים, ונשוא פנים; ויועץ לחכם ונבון לחש.
- 3,4 ונתתי נערים, שריהם; ותעלולים, ימשלו-בם.
- 3,5 ונגש העם, איש באיש ואיש ברעהו; וירבו, הנער בזקן, והנקלה, בנגבד.
- 3,6 כי-יתפש איש באחיו, בית אביו, שמלה לכה, קצין תהיה-לנו; והמכשלה הזאת, תחת-ידך.
- 3,7 ישא ביום ההוא לאמר, לא-אֶהיה חבש, ובביתי, אין לחם ואין שמלה; לא תשימני, קצין עם.
- 3,8 כי כשלה ירושלם, ויהודה בפל: כי-לשונם ומעלליהם אל-יהוה, למרות עני כבודו.
- 3,9 הכרת פניהם ענתה בם, וחטאתם כסדם הגידו לא כחדו; אוי לנפשם, כי-גמלו להם רעה.
- 3,10 אמרו צדיק, כי-טוב: כי-פרי מעלליהם, יאכלו.
- 3,11 אוי, לרשע רע: כי-גמול ידיו, יעשה לו.
- 3,12 עמי נגשו מעולל, ונשים משלו בו; עמי מאשריך מתעים, ודרך ארחתך בלעו. {פ}
- 3,13 נצב לריב, יהוה; ועמד, לדין עמים.
- 3,14 יהוה במשפט יבוא, עם-זקני עמו ושריו; ואתם בערתם הכרם, גזלת העני בבתים.
- 3,15 מלכם (מה-לכם) תדכאו עמי, ופני עניים תטחנו: גאם-אדני יהוה, צבאות. {ס}
- 3,16 ויאמר יהוה, יען כי גבהו בנות ציון, ותלכנה נטוות (נטויות) גרון, ומשקרות עינים; הלוך וטפף תלכנה, ובנגליהם תעכסנה.
- 3,17 ושפח אדני, קדקד בנות ציון; ויהוה, פתהן יערה. {ס}
- 3,18 ביום ההוא יסיר אדני, את תפארת העכסים והשביסים--והשהרנים.
- 3,19 הגטפות והשירות, והרעלות.
- 3,20 הפארים והצעדות והקשרים, ובתי הגפש והלחשים.
- 3,21 הטבעות, וגזמי האף.
- 3,22 המחצות, והמעטפות, והמטפחות, והחרטים.
- 3,23 והגלונים, והסדינים, והצינפות, והרדידים.
- 3,24 והיה תחת בשם מק יהיה, ותחת חגורה בקפה, ותחת מעשה מקשה קרחה, ותחת פתיגיל, מחגרת שק: כי-תחת, יפי.
- 3,25 מתין, בחרב יפלו; ויגבורתך, במלחמה.
- 3,26 ואנו ואבלו, פתחיה; ונקתה, לארץ תשב.